

全唐文

卷二百六十六之二百六十七


孫處元
聿均
崔琬
岑羲
閻仁誦

黃元之
李孝倫
嚴識元
盧輔
徐彥伯
嚴善思
徐嶠

竹居攷虞

蘇軾
蘇軾
蘇軾
蘇軾
蘇軾
蘇軾
蘇軾
蘇軾
蘇軾
蘇軾

蘇軾
蘇軾
蘇軾
蘇軾
蘇軾
蘇軾
蘇軾
蘇軾
蘇軾
蘇軾



竹居跋

全唐文

卷之百六十六

欽定全唐文卷二百六十六目錄

孫處元

重修順祐王廟碑

黃元之


潤州江寧縣瓦棺寺維摩詰畫像碑

李乂

諫遣使江南以官物充直贖生疏

對成都令勸學判

節愍太子哀冊文



韋均

造像記

李孝倫

敬善寺石像銘

嚴善思

論則天不宜合葬乾陵表

公除後請習樂表

金定全唐文卷三百二十六

欽定全唐文卷二百六十六

孫處元

處元潤州人長安中徵爲左拾遺神龍初功臣桓彥範等
用事處元遺彥範書言時事得失不納乃去官還鄉里

重修順祐王廟碑

夫視之不見聽之不聞理邃杳冥事歸寥廓神之體也陰
陽授質天地表形妙萬物而見情滋百寶而見性神之用
也有用有體然後鏡窮達而通吉凶惟深惟幾然後繫幽
明而極變化潤州城內荆王神廟者漢高帝之從父兄也

帝唐之裔豐谷之靈鍾三才而秀出應五運而挺生夫其
文足化成武堪靜難慷慨奮發伺風俟時兆示玉雞災成
金闕一泣三靈之罷瞻悲九服之無依波震塵飛亂海嶽
字

而騰氣龍興虎嘯乘風雲而扇威於是九四猶疑三千未
附代謀於應響之地垂命於容髮之間王洞曉龍韜宏開
鳥翼星流電激鶚視鷹揚一麾而獲馬欣三捷而強彭越
圍壽春舉周殷之衆會垓下收項籍之功取臨江若拾遺
分舊楚猶摧朽深謀出於不代異績崇於一時周邵未之
方桓文安足比致君堯舜拯俗阡危大啟荆宇爰藩漢室

富陵之釁蟬蛻道窮變通古今之迹是非茫昧之理遺靈
宅此歷代攸欽自昔二千石臨郡未嘗不先致饗而後莅
職前刺史東平畢構親爲祭文今刺史京兆韋銑手薦醢
醢司馬上谷成敬荷高明下濟稟乎剛克之威俊乂稱賢
當彼在官之譽抑揚治道含吐藝文溫恭儉遜總其樞正
直廉清充其用聿從烏府來佐鳳江萬里表最三台虛佇
而尚澄襟靜室攬轡中達藏往知來誠爲易道窮高極遠
不昧周經言鍾化牝之符克信懷珠之術旣祠堂之褫落
悲歎迹之堙訛迺命衆工精求班匠旋加刻削廣事雕鏤

同有子之追寫仲尼等左徹之共朝軒帝精誠通於至理
髣髴見於仙祇烟雲氣色似獲嚴凝之助日月照臨如增
降鑒之象延羣峯於戶牖遶浚壑於階墀衆聖盡臻百靈
咸暨豈止一蛇爲異雙鯉見祥袁真託夢於太元鄧艾通
幽於司馬不俟四天之位寧尸八部之榮威儀悉整簫管
皆徹由是人無天札歲靡災異風雨調順穀稼熟成一邦
之氓僉荷其慶長吏顏元孫舊德名家鴻才碩學性等玉
壺之潔心同金奏之諧端右一州羽儀當代錄事參軍魏
晰司功參軍裴侑李眺等策名來仕清德莅官不虧基創

之餘彌篤敬恭之操盡申明薦咸勗至誠未窮倏忽之遊
終保清澂之氣安歌兮緩節絙瑟兮鳴篴始沐藻而祈恩
便奠椒而降祉清光滿室瑞氣盈庭粵以大唐先天二年
太歲癸丑三月戊寅甫功畢夫寂然不動感而遂通極乎
幽贊之情招乎福謙之佑無方無體至變至精顯道而列
睟容興物而崇清廟事通元妙光麗自然屏翰千載舟航
萬古式揚粹烈爰作銘云

帝王興起必有藩捍非獨也周亦聞於漢於穆懿戚挺茲
楨幹拯溺救焚夷凶靜難功成不處德盛無鄰威同夏日

德侔陽春德盛伊何輔主惠民功成伊何沒代留神神道
設教聖人所服得一永符樂天招福不行而至不疾而速
利用靡窮聰明難瀆欲達吾信詞陳史祝

黃元之

元之睿宗時人

潤州江寧縣瓦棺寺維摩詰畫像碑

夫魁北藏樞秉三奇於紫掖崑西運軸森萬族於黃輿方
領圓冠棹九流而宗學海霓裳羽服乘六甲而下仙巖雖
辰像微茫不能味甘陳之識陬維官邈不能探章亥之功

仁義與禮樂可遵未出死生之境昏默與清虛可尚纔居
天地之先且造化以六合爲功聖人以二門分教豈夫百
千萬劫量其遠近三十七品語其功業者哉況性相之微
不可以名言得虛有之妙不可以智力知三千之淨土無
邊八萬之法門虛受能住不思義解脫者也維摩詰者華
言淨名居士也沒於妙喜之國生於毗邪之域大仙那提
之子常修梵行世號白衣居士焉故總妙圓明現身方丈
無起無住不去不來空色空而取真空滅生滅而求寂滅
或歸之於無物或得之於默然邪正於是路殊語言由其

道斷居士之真宗也若乃家室不離而教傳緇服天子迴
向而身爲白衣讓金粟之尊未卽如來之位晦玉毫之相
空留長者之名亦猶百谷之王以下莫能大六虛之相居
高而自卑居士之洪謙也若乃移外方之諸佛一室規乎
四天對樂世之衆生一劫成乎七日毛孔之內鼓大海之
波濤芥子之中鬱須彌之巘嶸擲世界於恒沙之外不覺
不知攝高堂於大會之前同瞻同仰嵐風動地口吸莫以
爲難猛火燃天腹貯但聞其一居士之神通也若乃羣邪
作梗諸惡延災衆生茹焚溺之悲含識迫傷夷之患由是

騁自在之力縱無礙之威破煩惱而擊慳貪斬毒蛇而擒
醉象朦幢暫建面縛四魔智劒纔揮心降六賊故使波旬
振讐不能變帝釋之容外道摧殘不能竊真如之業居士
之威力也若乃非相成光乎是相故見於威儀無言假道
於有言方形於問答宏乞食之理須菩提但覺茫然聞宴
坐之談舍利佛不能加報摩訶迦葉息言於二乘大目犍
連吞聲於四衆亦由明鏡內鑒照之而不疲洪鐘外發扣
之而必應是以五百弟子同稱我不堪任二千門人盡得
無生法忍居士之靈辨也若乃智總大雄心行菩薩雖人

我無相以拯救爲懷憂本無憂憂凡俗之憂病本無病病
衆生之病富室貧里等資其福田酒肆姪房廣談其善誘
則知去重昏之小翳朗惠日而無私

闕一字

中根之大莖霑

法雨而同潤居士之慈悲也若乃前際後際無昧於因緣
成時化時不違於本願光嚴悟矣行念其道場新學豁然
坐知其宿命晨持乳鉢未息麤言中設飯盂普均香氣有
疾菩薩憂惱於是併除犯律比邱疑悔由其傾蓋居士之
利益也若乃恭承父訓事方便以崇嚴瞻望母儀奉智度
而資受結齊肩於法喜坐詠宜家期上足於塵勞行同入

室因風起對共賞慈悲他日趨庭獨推誠實知識慕善道
品所有居先伴侶求真度法由其見託居士之宗黨也若
乃上棟下宇空寂爲輪奐之資淨服名衣慙媿入裁縫之
用開八正之路則衆馬交馳坐四禪之牀則身心不動智
惠之果秋垂無漏之林淨妙之花春發總持之苑禪悅爲
味詎假珍羞解脫充漿寧思玉液奏法音之樂則絲竹藏
聲燒異品之香則旃檀罷郁居士之遊處也於是隨意所
轉覺路遐通應緣而攝梁津尅濟恢勇猛之志則火闕一字
生蓮廣闕一字虛之因則水中現月法本希有若都優曇之

花道之將行大備貝多之葉舉閭浮之國土禮敬忘疲想
毗耶之人天聲塵不朽居士之遺跡也得其道者則三乘
弟子羞稱多聞行其法者則七種學人莫不愛樂是致四
天讚仰而無暇十地攀接而無階王者資而九有清羣生
聞而六念作雖驪龍改地共尊金粟之儀水土遷行長奉
寶臺之供我國家神明造物聖政調時滌瑕穢而玉鏡清
剡澆訛而撫大朴牢籠七十七代鬱映萬八千年率土之
濱罔有弗躋普天之下共惟帝臣京坻積而銅爵鳴鐘鼓
和而玉羊現將益四生之福爰開十善之因精舍廣祇陀

之園列郡揚淨名之教萬姓資其分別八方暢其休明天
地平成於是乎汲引在江寧縣瓦棺寺變相者晉虎頭將
軍顧愷之所畫也爾其上纏珠斗下控金陵六代爲天子
之都三分入王孫之國禮讓流行之地英靈誕秀之鄉鷺
巖分虎踞之山鴈塔枕龍盤之水總幽閒與形勝則瓦棺
之寺焉昔有晉莊嚴淨域時梵侶以規模雖廣雕飾未周
永念粹華每疚懷於須達共成圓滿而假力於檀那凡厥
施財莫匪鳴刹顧君乃連扣資數百竿逾千萬大衆貽愕
不知其然君習氣精微洗心閑雅雖纓弁混俗而績素通